

# Sprokkeliengn

## **E beeële**

### *Een huwelijk dat niet doorgaat*

Deurdats de beeële van 'n otoo van 'n trower esmoakn was oender roete, kost 'n ie nie meeë antiedn in de kerke zien en peisde de troweege da neur lieëf van gedacht veranderd was. En doa kwam er e twidde beeële van: 't meesje kwam zodoanieg kwoad da ze neur verlooviengsriengk weerezondn et en neur lieëf de bongs egeen et. De lieëfde was uut! Voe goeëd!

## **Der gin duts op zien**

### *Er niet zachtzinnig op zijn*

O j' de roeë spoart, zieë je je kiend nie gèèrn, stoat er in 'n biebel. Doarom was nuuzn pa - die stief kristlik opebrocht was - gin duts op nuus. M' en meeër of e keeë 'n martenee op nuuzn blooëtn rik efoeëld. En veele troantsjes eloatn. "Lieëver nuu, dan loater!" grolde voader toene. "Je goa gieder mien loater nog dankboar zien!" M' en moa wieselik ezweegn!

## **E stande**

### *Een kuip*

Vooë 'n ooërlooge ad 'n de mènensjchn gin dieëpvrieëzer en 't woarn moa de stieve rieke die oover en ieskelder besjchiktn. Doarom bewoardn de geweune mènensjchn nunder vleeës - on ze der adn temienstn - in e stande, e kuupe evuld mi zoetwoater, mi brieëne, lik dan ze zein. En omdat 't vleeës sjchooëne oender woater goengk bluuvn, lein z' er e gewichte op. Eiers bewoardn z' in koakwoater in e doenkerbruunn steeënn pot of in e griesdn mi blowe kroenkels op. Ezooë kust 'n nuuze grotoeders en vooëroeders de lange wienters deuresparteln. Sjaanse, anders me woarn der wieder nieë ewist wi.